

BIBLIOTEKA
Zakł. Nar. im. Ossolińskich

XVI

2761


D

1648.

3/

Andrzej Potkowski


273



Ex Libris Com. Branicki
Sucha

1890-1891

100



R V D O L P H I

SECUNDI,

Sacratissimi & Inuietissimi

ROMANORVM IMPERATORIS, GER-
MANIAE, HUNGARIAE, BOHEMIAE,
DALMATIAE, CROAT. SCLAVON. &c.
REGIS &c. ARCHIDVCIS AVSTRIAE,
MARCHIONIS MORAVIAE, COMITIS
TYROLIS. &c. &c.

Reuerendissimi & Illustriss: Generosi & Magnifici Domi-
norum, D. Stanislai Pavlovski, Episcopi Olmucensis, Princi-
pis, Regalis Capella Bohemia Comitiss &c. Venceslai Senioris
Berca, Baronis de Daub, & Leip, Regni Bohemia Aulae
Marschalci, eiusdēq; S. C. Maiesta: Consiliariorū &c.

Oratorum

AD

SERENISS. SIGISMVNDVM TERTIVM,
Poloniae & Sueciae Regem, Magnum Ducem Lithuaniae,
Rusiae, Prussiae, Masouiae, Samogitiaeq; &c. Et Indytos
Regni Poloniae, Magniq; Ducatus Lithua. &c. Ordines.

ORATIO,

In Comitij Generalibus Craconiae habita, Die
25. Mensis Februarij, Anno Domini

1595.



xvi. Qu. 2761

2761.11

ORATIO.



Ellem (Sereniss. Rex, vosq;
inclyti Poloniæ Regni ordines)
vellem, inquam, tantam dicen-
di vim & facultatem mihi nunc
fore, quantam rerum, in qui-
bus pro celeberrimo hoc conuentu, ab augu-
stissimo Imperatore, ad vos, vnà cum colle-
ga meo Legatus venio, grauitas & amplitu-
do requirit. Atque vt ea inprimis, quæ ad offi-
ciosi S. Cæs. M. erga Serenitatem V. Regi-
am animi, beneuolæq; erga vos oēs volunta-
tis significationem pertinent, breuibus expe-
diam. Pro eo. ac S. M. Cæs. susceptę à Sere-
nitate V. in Sueciam profectionis necessita-
tem agnoscens, absentiam quidem S. Vestræ,
florentiss. huic Poloniæ Regno non incom-
modam, Sueciæ verò illi inprimis vtilem, sta-
biliendæque isthic internæ quieti & tranquil-
litati maximè oportunam, euenire, ex animo

O R A T I O.

veteris cognationis, & recens contractæ affinitatis nexu coniunctissimo precata fuit; ita posteaquâ Serenitatem Vestrâ pacatis isthic, ac in ordinem redactis omnibus, superatisq; maris Balthici vltro citroq; emensi difficultatibus & periculis, vnâ cum Serenissima thori & regnorum consorte, vniuersoque comitatu, numinis auræq; beneficio singulari feliciter redi-
cem factam esse intellexit, quasi nūcupati pro incolumitate Serenit. V. voti compos, mirifica in animo oborta voluptate, nunc quoque Serenitatem V. in regnum hoc suum sospitē rediisse plurimū gaudet; simul & vobis ordines amplissimi beneuolē hoc ipso nomine gratulatur: atque vt pacatus & tranquillus florentissimi istius Regni status, absente serenifs. Rege vestro, singulari vestra prudētia, raraq; erga patriā charitate hactenus sustētatus; eodem prosperē iam ad vos reuerso, firmissimē stabi-
liatur, perpetuoq; conseruetur, vnicē exoptat.

Sed

O R A T I O.

Sed prætermiffa id temporis prolixiori declaratione officiorum, quæ amicis & focijs mutua esse debere, nemo non intelligit, legationis nostræ summam aggrediemur. Quæ cum in totius Reipub. Christianæ præfidijs per summam animorum ac voluntatum inter Christianos Principes consensionem, atque mutuam auxiliorum cōmunionem, firmandis versetur; bonam in spem equidem venio, Serenit. Vestrā Regiam, vnà cum ordinibus ampliss. mihi, S. Cæsareꝝ M. eo in genere desideria exponēti, non minus æquis auribus, quàm beneuola affectione ad futurā esse. Tristiore totius orbis facto, quàm credula priscorum temporum simplicitas opinata fuisse videtur, perniciosum illud infelicitis Arabiæ, monstroso editum fato malum, impurus, numinis diuini, rectæque fidei contemptor Mahometes, sub Heraclij Imperatoris tempora, ex infami collectorum latrunculorum turba, funestum exerens ca-

O R A T I O.

put, non solùm pestiferis legibus, in summam Reipub. Christianæ perniciem, sequaces suos, ad maximam quorumlibet scelerum impune patratorum confessionem obstrinxit: verum & Christianorum Principum, sub ipsum tantæ pestis initium, socordia gliscente, adeo magnis nō multò post rerum successibus, per vim & nefas, Othmanicum Imperium auctius effecit, vt nō Asiam solùm & Africam; sed magnam quoque totius mundi reginæ, Europæ nimirum cōmunis genitricis altricisque nostræ partem, ferali detestandæ contagionis labbe prostratam infecerit, vel potius (quod maximè dolendum est) iniquissimè subiugârit.

Verùm si hæc, quæ Asiæ, Libiæq; Turcico subiectis imperio euenerunt, tanquam peregrina minimè ad nos pertinere fortassis putamus; Amurathe id temporis Othmanicæ Tyrannidis gubernacula tenente, heu quantũ florentis

O R A T I O.

florentissimorum aliquot nominis Christiani regnorum opulentissimarumq; prouinciarum attritæ sunt vires! quàm præsens exitium paruis hisce Vngarorum reliquiis Turcicus furor, perfida potius quam callida rerum hucusque gestarum prosperitate mirificè tumescens, minatur.

Arbitratur Rudolphus, Imperator religiosus. certis vtrunque conditionibus initum, ad omnesq; sibi subiectas prouincias extensum fædus, impium hunc Tyrannum, retento aliarum quarumvis nationum more, omnibus ipsdem prouincijs illibatè seruaturum esse: Verum impotentem animum Barbari, ab omni humanitatis sensu, pietatisque studio alieni, coeca Christiani cultus exterminandi libido, ac naturale in nostrum genus odium, ad rem etiam, profanis barbaricæ perfidiæ sacris aduersantem, Turcisq; ipsis aliâs detestabilem,
ad

O R A T I O.

ad fœdus inquam temerariè rumpendum animauit.

Primum itaq; Styriæ finitima & penè contigua, imò ipsius Croatici regni loca, non solum leuioribus incursionibus aut velitationibus infestare; sed numerosi exercitus copijs, hostili planè modo (quod initi fœderis rationibus contrarium est) inuadere, concutere, depopulari, vastare, ac demum in potestatem suam redigere est conatus. Hinc Bihatium, situs amœnitate, soli fertilitate, & incolarum opulentia celeberrimū Croatiæ oppidum, vnà cum Arce et vniuerso loci illius territorio, crudeli ipsius iugo subiectum. Sic Sissekium, mascula Præpositi isthîc tunc degentis virtute memorabile, post varios dubij Martis euētus, fœuitiæ ipsius expositum fuit, sic alia passim loca in potestatem ipsius concessere. Sed nec ijs contentus Amurathes, quasi nepotis ex sorore, apud Sissekium vnà cum Hassan Bosnensi Bascha,

O R A T I O.

Bascha, Sauæ fluminis rapidissimo absorpti
 vortice, interitū vindicaturus, ducto ex Tra-
 cia milite, Vngariam ferro & igne depopulan-
 dam, summaq; potentia inuadendam, hostilē
 in animum induxit. Sic Vesprimium captum,
 sic Palotta deditionē fecit, sic Papa derelicta,
 sic Tatta, sic S. Martini castellū, aliāq; Vnga-
 ricæ ditionis præsidia, sic demum Sinai Basche
 versutissimi ducis calliditate Iaurinum direpte
 Vngariæ, vel potius vniuersę Christianæ Rei-
 publicæ præcipuum propugnaculum profanis
 Turcarum sacris ac dolis miserrimē succu-
 buit: quo in hostium potestatem redacto., pa-
 rum abfuit quin etiam Comarinense præsidi-
 um, obsidione cinctum Turcicæ direptioni
 patuisset; nisi Christiani militis fides & vigi-
 lantia, vel potius diuinæ prouidentię summa
 bonitas, nefarium hostem, ad soluendam ob-
 sisionem compulisset.

B

Horresco

ORATIO.

Horresco referens, tam insignem Reipub. Christianę calamitatem, sanguinarij illius Tyranni partim aucta potentia, partim fraudibus nobis recens illatam. Non immeritò quidem, cum tanta iactura, cuius Christianam fidem profitenti, non secus, quàm si propria ipsius foret, seriò expendenda, atque etiam pro virili vlciscēda & vindicanda, iure optimo videatur.

Magna sunt equidem ea, quæ sædifragus Amurathes in Croacia, atq; præcipuis Vngarię nobis conterminis locis perfecit; magna inquam sunt, vereq; talia, quæ iustum Christianis omnibus, non iniuriã incutiant metum.

Verùm enim uerò maior, & longè potentior est dextera Dei nostri, quæ arcum suum (vt cum regio psalte loquar) parauit, & tetendit illum; ex alto nobis auxilium affore benignissimè promittens, dum modò scelerum contagia, quæ plurimorum mentes obstrictas tenent,

O R A T I O.

nent, remedijs ab ipso humani generis redēptore concessis expiemus; priuatorumque commodorum rationibus postpositis, coniunctis viribus, contra hunc religionis fideiq; nostræ contemptorem, magna vi & virtute oppugnandum incumbamus.

Aderit haud dubiè conatib. nostris ille, cuius solius causa suscipientur, Christus Opt. Max. impiumq; hunc Tyrannum, quem sicut Cedros Lybani in nostrorum aliquantulum passus est extolli poenam delictorum, ope ac virtute sua diuina deprimet, humilibusq; adæquabit Miricis: nec non potentiam ipsius omnem, acutissimo sui oris gladio concisam retundet, giganteosque conatus, ex iracundiæ suæ iustissima pharetra depromptis iaculis prosternet. Cuius quidem benignitatis diuinæ certissima fretus fiducia, Imperator Rudolphus, tamq; graui lacesitus iniuria, tandem aliquando barbaricæ insolentiæ per opportunas Martis expe-

diendi rationes comprimendæ offerri occasi-
onem ratus, id quòd fæderis initi sacramentũ
antea prohibebat; modò non minore, quàm
perfidus ipse hostis, animo aggrediendum, a-
uitæque virtutis innatum vigorem contra fæ-
difragum Tyrannum intrepidè constituit ex-
erendum.

Quia verò tanti hostis potentia sapientiss.
Imperator non vsque adeò contemnenda vi-
sa fuit; vt subiectorum duntaxat Imperio suo
regnorum & prouinciarum vires eidem oppo-
nendas tutò fore opinaretur; ita suum suorũq;
robur æstimandum putauit, ne Imperiali po-
tentia accersendorum ex finitimis Christianę
Reipub. regnis ac prouincijs auxiliorum, cuius
dentissimam postponeret necessitatem. Do-
mesticorum proinde Principum animis in præ-
terito Ratisboneñ. cōuentu, summa iustissimi
belli suscipiendi consensione deuinctis, nec cō-
temnendis exercitui fouendo auxilijs compa-
ratis;

O R A T I O.

ratis; externos quoque Christiani nominis Dinastas, ad ineundam communis periculi auer-
tendi & propulsandi sanctissimam societatem,
amicè requirendos & sollicitandos operæ præ-
tium est arbitratus.

Quemadmodum itaque ab illis, sic quoque
à Seren. V. tanquã cognato & Affine charis-
simo, simul & à potentiss. regni istius Reipub.
velut amicitiae veteris, vicinitatisq; jure cõjun-
ctissima, contra insolentissimos nominis Chri-
stiani hostes, & diuinissimæ Crucis inimicos
suppetias, in tantis periculis constituto Vnga-
riæ regno, amicè petit ac requirit. Et quamvis
de Serenitatis V. vti regis Christiani nominis
studiosissimi rara erga Deum pietate, atq; zelo
singulari, nemo addubitare justè queat; simul
& de amplissimi regni istius ordinibus, optima
quæque eo pietatis in genere, meritò sperare
quisq; possit: Vt tamen, omni cunctatione &
mora exclusa, Serenitas V. vnà cū Ampliss.

B 3

Regni



O R A T I O .

Regni sui Senatu, iustiss. M. Cæs. desiderijs, ea
quæ & alij christiani Dinastę facilitate ac prom-
ptitudine subscribat, rei petitę honestas & æ-
quitas, vtilitas quoque summa, & ineuitabilis
necessitas, efficaciter inprimis suadere viden-
tur. Si enim honestatem, quę humanarum
actionum omnium moderatrix, magistra, &
scopus esse debet, in hac belli contra Turcas
prosequendi societate ineunda spectare quisq;
velit: Quid obsecro honestati christianę ma-
gis esse potest consentaneum, quàm pro diuini
numinis summo contemptu vindicando, fidei
oppressionem reprimenda, religionis Orthodo-
xę progressu amplificando, socijs ac fratribus,
iniquissimę seruitutis pressis iugo, in libertatē
christianam asserendis, cōtra fœdifragum, da-
tęq; fidei desertorem, contra capitalem chri-
stiani nominis hostem, pia et iustissima suscipe-
re arma? Quid ecōtra inhonestius, quàm nul-
la oppressorum fratrum iniuria, nulla sociorū
miseria,

O R A T I O .

miseria, nulla vicinorum calamitate, cum & succurrere possis et debeas, humaniter nec affici nec moueri? Atqui vel ipsa immortalis gloriæ (quæ honestatem non secus ac vmbra corpus sequitur) hominibus innata cupiditas, eò præclaras omnium cum virtute agentium mentes impellere potissimum consuevit, vnde patriæ, quæ nostri sibi ortus non postremam vendicat partem, vnde socijs, amicis, vicinis, alijsq; necessitudine quapiam mutuò junctis, aliquid emolumenti obuenturum speratur. Atq; hinc sanè fit, vt ea veræ gloriæ comparandæ certissima sit ratio, ac via; quæ honestatis, & consequenter justitiæ (sine qua honestas ipsa consistere nullo modo potest) scopum præfixum habet. Quid verò hoc ipso bello, quod M. Cæs. parat, iustius excogitari posset, per quod, non tantum illatâ subditis iniuriâ; sed Christo ipsi Opt. Max. irrogatam cõtumeliam insignem, vindicâdam, ac debitam sceleratorum hostium poenam

O R A T I O.

pœnam expiandã fore, summa iustitiæ ratio in-
 primis exposcit? Equidem, si à parentibus, vel
 amicis, aduersa omnia, justè non minus, quam
 honestè populsamns: si illatas ijsdem contu-
 melias, honorem nostrum proprium concer-
 nere, & lædere justè arbitramur; an non mul-
 tò magis christianæ justitiæ ac honestatis, in eo
 summam versari censebimus, quòd ad supre-
 mi illius cœlorum & terræ domini (cuius nutu
 ac munere viuimus, mouemur & sumus, cuius
 denique immensa benignitate ac prouidentia
 sustentamur) cultum & venerationem ampli-
 ficandam pertinere cùm primis agnoscimus?
 an non pro summi Dei gloria, quam dirus ho-
 stis impijs in partes hæce nostras superstitionis
 suæ sacris inuectis obscurare, & penitus euer-
 tere conatur, non arma duntaxat intrep-
 dè sumenda, verùm etiam fortunas, sangui-
 nem & vitam ad vltimum ipsam libentissi-
 mè profundendam rebimur? an tali morte,

per

O R A T I O.

per quam immarcescibilem in cœlesti patria, coronam æternæq; illius vitæ ac beatitatis gaudia sempiterna consequi possumus, honestius aut iustius quidquā dari putabimus? Certè, si fortitudo, quæ à barbaris patriam bello tuetur, vel domi defendit infirmos, vel à latronib. socios conseruat, plena (vt diuus inquit Ambrosius) iustitia est; vniq; belli istius, contra diuini nominis osores nefarios suscipiendi, christianā cōmunionem & societatem ipsissima niti iustitia & honestate, nemo tam rudis est, qui non intelligit.

Innumera autem sunt cominoda, quæ sanctam hanc animorum consensionem certò sequutura, nemini christiano dubiū esse debet. Vt enim apud omnes etiā simpliciores est exploratissimum, potentiam Turcicam insignib. latrocinijs, in summa Christianorum Principum discordia hæctenus auctam, sola eorundem Principum concordia, facili negotio vinci,

C ci, supe-

O R A T I O .

ci, superari, & in ordinem redigi posse: ita, si
 nacta hac fæderis rupti occasione, ad Turcas
 mutuis viribus adoriendos, omnium coëant
 voluntates; vincantur ab omnibus necesse est,
 ij, qui singularū in masculè sibi resistētium pro-
 uinciarum vires vniuersas nunquam sternere
 potuerunt; qui, vt nonnullis solius Vngariæ
 locis potirentur, non tantum collectam ex di-
 uersis orientis partibus, selectissimorum Du-
 cum & militum Turcicorum & Scithicorum
 manum admouere; sed etiam sæpè Imperato-
 rum suorum salutem, obsidionis per ipsos in-
 choatæ periculis turpiter exponere, sæpè quo-
 que obsidionem solutam, magna cum ignomi-
 nia, & indignatione dimittere sunt coacti;
 quos denique pro iusta iniquæ causæ diffiden-
 tia, nunquam nisi per suos bellicos magistra-
 tus coactos, extrusos, & compulsos aduersus
 Christianorum fortissimas phalāges, in aciem
 prodire solēre, quiuīs eorum timiditatis & im-
 potentiae

ORATIO.

potentiæ modicè conscius, abundè attestari potest. Hoc porrò tam inquieto nostrum omnium malo, communibus auxilijs sublato, quantam nomini christiano, tot celeberrimarum prouinciarum nobilissimorumq; regnorum accessione futuram? quantos in religionis christianæ liberiore exercitio, quasi postliminij jure in orientem reducendo progressus factum iri speramus? Omitto hîc securam cōmerciorum libertatem: non cōmemoro tutissimam deinceps adeundæ terræ sanctæ facultatē: nihil dico de fratrum nostrorum miseræ seruitutis iniquo jugo oppressorum certissima liberatione; quorum omnium indubia spes affulget, modò justæ istius vnionis exoptatissima societas tandem ineatur, & firmissimè coalescat. Atque hæc quidem, & plura sunt alia, belli istius justissimi & honestissimi comoda. Quanta verò sit, ad hoc bellum suscipiendum, ineundæ societatis inter christianos

O R A T I O.

Principes necessitas; vel ipsa hostis ad cædem
& excidium christianorum conuersa rabies
abundè testatur. Secundis rei cōtra nos gestæ
successibus, mirum in modum elatus Amura-
thes, inexplebiliq; christiani sanguinis æstuans
fiti, non solum residuas Vngariæ reliquias, nu-
meroso milite in Strigoniē. territoriū ex A-
sia recens misso vastandas; sed etiam in oras ip-
sius Austrię hostili irruptione facta, aliquot op-
pida & villas plurimas igne & ferro depoplan-
das & delendas demandauit. Qui quidem fu-
nestus Asiani militis (post Tartaros per Poku-
tiam violenter in Vngariā irrumpētes) in par-
tes hæc ingressus, nec nō exquisita copiarum
in oriente comparandarum sollicitudo, simul
& commeatus aliunde in occupata loca inue-
hendi cura; quid mali pro appetente Vere no-
bis omnibus portendant, quas ærumnas, cala-
mitates, angustias, quam præsens denique ex-
cidium minetur, nemo est qui non peruideat

Occupato

O R A T I O.

Occupato iam & fortificato per Turcas Iau-
rino facilè Viennens. (quod omen Deus auer-
tat) ciuitatem, callidus, potens, & expeditus
hostis, nullo validiore intermediarum præfidi-
orum obstante impedimēto adorietur. Quod
si eius Urbis munitionem, conatibus suis vali-
diorem fore iudicauerit; facilè aliò diuertet:
vbi si res ex iniquę mentis (quod absit) senten-
tia cedāt; quàm tutò in statu Moravia nostra,
quàm secura finitima eidem Silesia, quàm im-
mune denique vestrum hoc regnum, à barba-
rico furore & dominatu foret; quàm diutur-
nus sæderis vobiscum initi esset apud vos sta-
tus, ipsa res loquitur: & summum, in quo vnà
nobiscum communiter versamini, discrimen,
futurorum calamitatum speciem ad viuum re-
præsentat.

Si enim iniquiore quàm speramus fato, vel
potius diuini numinis iustā vindicta, Amura-
thes, hoc æuo, Dei flagellum, residuā Vnga-
riæ par-

O R A T I O.

riæ partem occuparet : si Austriam depopulatus, Morauiam & Silesiam peruaderet; quæ tam valida erit Regni istius vestri munitio, vt hostiles admittere nõ cogatur insultus, vel tantæ ipsius potentiaë resistere diutius queat? Occupauit is hæcenus munitissima Vngariæ bellicosissimæ præsidia : non paucis fortissimis & quodammodo inaccessis arcibus, castris, ciuitatibus, partim per virium auctarum potentia, partim etiam per innatæ calliditatis technas est potitus: Bizantiũ, Cyprũ, Rhodum, Famagustam, Trapesuntem, aliasq; florentissimas vrbes & Insulas, Turcarũ efferata in christianos dominandi libido superauit, ac penè oppressit: Græciamq; vniuersam subiugauit. Et quis, obsecro, tam supinus & credulus erit, vt persuadere sibi patiatur, subiugatà per Turcas residua Vngariæ parte, vicinarumq; prouinciarũ incolis subactis; solùm hoc Poloniae Regnum, ab insolenti victore securum, immune, ac tutum

O R A T I O

tum fore? An, qui christiani Imperatoris Augustissimum ferre non potest nomen & maiestatem, inferioris alterius cuiuspiam quantævis dignitati parcat? An, qui vnâ totius christiani populi ceruicē fore exoptat, prostratorū Christianicolarum, occasum eorum qui supererunt, in eternecione sociandum non putabit? An, qui fœdus sanctè vtrinque ictum & firmatum, ex barbarica leuitate ac perfidia violare iam non erubuit, fidem sola dissociendarū Christiani exercitus virium intentione, ad tempus alijs datam, nacta per aliorum casum, & hos quoq; vincendi occasione seruabit? An, qui se dominum dominantium & regem regum superbissime jactitare præsumit, quempiam Mahometanæ perfidiæ contrarium Principem aut Regem feret? An nō, vt omnem Christi Dominum nostri aboleat cultum & memoriã, omnes virium potentiæque suæ intendet neruos? An dignitati cuiuspiam, an religioni, an sexui, an ætati

O R A T I O.

ætati parceret? Non latet Serenitatem V. vosq;
 ordines amplissimi, quantum Turcarum in
 Christi sequaces odium, quàm inexplicabilis
 eorundē simul ac vicerint erga victos crudeli-
 tas, quàm improba dominatio; quæ nã nefan-
 da in templis violandis, sacrisq; religionis no-
 stre impiè profanandis temeritas. Equidem fe-
 dissimus hostis, publicum christianæ fidei, in
 subactis sibi vrbibus & locis, exercitium nulli
 permittit; eiusq; ad suos qualitercunq; dela-
 tum præconium ultore gladio vendicat. Ma-
 hometanæ superstitionis contemptum, ultimo
 supplicio & cæde contēnentis expiat: Armo-
 rum vsum penitus omnem & facultatem chri-
 stianis adimit. Pro nefariæ libidinis cæco fu-
 rore inuuptarum filiarum castitatem in mise-
 rabiliū matrum conspectu, turpiter violan-
 dam non verecundatur: Cōiugatarum con-
 stantem pudicitiam ante compeditorum ocu-
 los virorum fædè prosternit: filios à parentibus
dura

dura separatione auulsos, obscœnis judaicæ circumcissionis legibus impiè obstringit. Non Ducem, non Principem, non Comitem, non Baronē, non Nobilem fert vllum; sed vniuersos ab innatæ nobilitatis, atque amplitudinis christianæ claro deturbatos gradu, in agriculturalum vel opificum sordidū ordinem redigit: ex quibus adeò depresso, nec id, quod sub tam diræ seruitutis immani iugo, barbarica rabies superesse patitur fortunarū, vel sibi vel liberis quisque suis tam secure vendicare audet, quin si Tyrannicæ id pateat libidini, dicto ocyus barbaro deposcenti concedere cogatur.

Quòd si fortè bellicę expeditionis vrgens ingruat necessitas: primi apud recutitum hunc Tyrannum christiani, tormentis & machinis bellicis opponuntur: primi barbaricas acies contra occurrentis hostis aduersa tela protegunt: primi in arcium & ciuitatum obsidione atq; expugnatione, assilire præsidia: primi fos-

D

sarum

O. R. A. T. I. O.

farum profunditate, cadauerum suorum certissima strage explere: primi denique pericula quæuis extrema, sustinere atque experiri coguntur.

Vrigitur hoc imminens ceruicibus nostris malum auertamus; sola concordia fraternaq; animorū consensione opus est, Rex Sereniss. qua inter christianos firmiter stabilita, quemadmodum tam potens aduersarius, per coniuncta auxilia facile poterit ab omnibus consociatis superari; ita inualidæ ipsius potentia, communis opponatur christianorum potentia; ne conatus nefarios, ad nomen christianum penitus delendum impiè conuersos, sensim prouehat, neuè ea qua pollere animaduertitur celeritate omnes nos vnà opprimat, summo pere est verendum.

Age igitur Rex Sereniss. agite & vos vnà Senatores ordinesq; inclyti: & siquidem nō de Augustiss. solūmodo Imperatoris, regnorū prouincia-

O R A T I O.

præiudiciarum; sed etiam de propria Rēgni huius
 ius vestri libertate, securitate, ipsaque salute
 æqualiter agi; nec inæquale, sed idem planè pe-
 riculum, vobis ipsis, patriæ, coniugibus, liberis,
 fortunisque vestris imminere luculenter agno-
 scatis: hanc ineundi contra imminentem bar-
 barum prælij societatem atq; ineuitabilem ne-
 cessitatem beneuolis, alacris, promptis, & in-
 cunctantibus animis complectimini: & quan-
 tō maius periculum est in morā, tantō celerius
 contra perniciosissimum Christiani nominis ho-
 stem, Augustissimo Imperatori, afflicteq; Un-
 garia, auxiliatrices afferre manus, ne dubitate.
 Cōtermina vobis, iniuste per fœdus fragum A-
 murathem moto bello, infestatur ac ardet Un-
 garia: vicinus flagrat paries: vicinorum ergo,
 vestrum quoq; ni inuigiletis, est malum. Ve-
 stra æque hīc res agitur: de vestro periculo
 auertendo consultatur: vicinorum calamitas
 & præsens afflictio, futuræ quoq; vestræ cala-
D 2 mitatis

ORATIO.

mitatis & afflictionis certissimum est argumē-
tum, & proximum quasi ad futuræ tragoediæ
scenam præludium. Pro eo ac vicinorum sa-
lus, vestra etiam est tranquillitas & salus. Tan-
quam validissimo quodam muro, vestrū hoc
late patens regnum, finitimę Vngariæ residuis
præsidij, aliorumq; M. C. subiectorū regno-
rum & prouinciarum, securitate munitur. Si
itaq; vobis vestra & patriæ chara est salus, ad
defendendos hosce muros impigri accurite:
neue per assilientis inimici potentiā, concussi,
vel omnino demoliti, ad inuadendos penates
vestros, imbellemq; foeminarum & lactentiū
infantulorum domi latentem turbam, ob-
truncandam & abripiendam, ad ditissima tem-
pla expilanda, ad fortunas deniq; vestras occu-
pandas, facilem patefaciant aditum. Impera-
torem, non minus de vestra vti amicorum &
vicinorum, quàm sua vicinorumq; suorum sa-
lute anxium & sollicitū, maturis auxilijs et sub-
sidijs

O R A T I O.

fidijs iuuate. Præstat equidem alienis in oris
 grassantem adoriri Tyrannum, quàm posthas
 bita vicinorum sociorumq; defensione, tam
 diu expectare; donec ille Martis feliciori adiu-
 tus eueni, fines vestros hostiliter vt solet in-
 uadat. Si quæ enim foris obuenit calamitas,
 facilè emendari potest; at quæ domi eueniunt
 clades, raro non exitiales habentur.

Sic olim Romani orbis domini, foris poti-
 us quàm domi, vt plurimum, non abs re pu-
 gnandum duxerunt. Sic fortissimum Hanni-
 balem, Pœnorum ducem: Antiocho, Syriæ
 Tyranno aduersus Romanos bellum suaden-
 tem, non in Asia, sed in Italia bellandum cen-
 suisse ferunt. Sic dum plerique christianorum
 Principum, ante actis seculis, vicinorū succur-
 rere contempserunt periculis, sua sibi vltro pe-
 ricula accersuere: Sic Græcia Turcis, sic op-
 pulentissimum Vngariæ regnum, verè aureū
 olim pomum, maiore sui parte, non opitulando

O R A T I O .

tibus vicinorum Principum auxilijs, recutito huic Paridi, infernalis (vt opinor) Plutonis iudicio miserè cefsit.

In tantis proinde periculis, accingimini viri bellatores, auitæ fortitudinis & nobilitatis gloria præstantes: accingimini, & arma iustissima contra icti fæderis violatorem ac præuariatorem temerariū; contra Christi Dei nostri contemptorē nefarium; cōtra Christiani nominis oforem teterrimum; contra cōmunem deniq; totius christianitatis hostem, pro solita vestra in Deum pietate, pro patrię vestræ futura securitate, pro sociorum, amicorum, vicinorumq; vestrorum incolumitate, & salute, tanquàm amici pro amicis, vicini pro vicinis, socij pro socijs, christiani pro christianis assumite.

Non deest vobis innatus, ad res domi forisque præclarè gerendas animorum vigor: non desunt vires, non facultates; non desit itaque debita

O R A T I O.

debita erga vniuersum omnium matris ecclesiæ editos alij fratres charitas; non desit vicinorum sociorumque calamitatis iusta commiseratio. Æqualia sunt vobis cum Turcis arma, at longè est superior & confidentior ingenitæ nobilitatis non immemor vester animus; qui præclaris maiorum vestigijs insistens, pro Dei cultu ac fide christiana, strenuè pugnandum, nec vitæ ipsi parcendum meritò suadet; perq; honestissimæ hæc christianæ virtutis exercitia, ad immortalem gloriam, ad ipsam denique patriam cœlestem rectum vobis sternit iter, certissimamque præparat viam.

Si Augustissimo Imperatori, alijsq; Principibus Christianis coniuncti viceritis, si insolentissimum hostem profligaueritis, si Reipub. Christianæ in tantis versanti periculis opitulatrices attuleritis manus; quantam laudis accessionem vestro nomini futuram fore; tantam quoq; calamitatem, si per vos nō adiuti deser-

tique

O R A T I O.

tiq̃ue (quod nemo sperat) socij & vicini superarentur vel superarent, vobis etiam obuenturam esse certò expectare & sperare potestis.

Sed quemadmodum M. Cæs. de vestra in Deum pietate, erga rem Christianam propensitate, nec non erga vicinos charitate, non nisi optabilia quæque indubiè sibi pollicetur: ita Deus Opt. Max. cuius potissimū causa in bello hoc agitur, nobis vnà & vobis aderit benignissimè: Suamq̃ue ipse iniuriam, & contemptum per vos, vti antiquos Domus Dei, et christianæ fidei zelosos vindices, prostratis ac fufis immanissimis hostibus, justè vlciscetur; & in feruis suis, magnam, cum aduersariorum confusione, faciens virtutem exaltabitur. Non deerunt quoque aliunde submissa christianorum regum & Principū subsidia: nō deerunt postmodū & vobis, si necessitas postulauerit, socialia eorundem auxilia. Hæc enim S. D. N. Clemens viij. Pontifex Max. hæc potētiss. Rex

O R A T I O.


Rex Hispaniarum Philippus: hæc opulentissimi Italiae Duces & Principes: hæc Potentissimi Sacri Romani Imperij Principes vniuersi, necnon liberæ eiusdem Imperij ciuitates: hæc incomparabilis virtutis heros, Transiluaniae Princeps: hæc denique Magnus Dux Moscouiæ, & alij plures, vtrò ad tam necessarium bellum offerunt, atque amicè pollicentur. Sacra verò Maiestas Cæsarea, neque se neque suos quos habuerit fæderis socios vllam cum hoste pacem aut inducias, vobis inscijs, inconsultis, aut exclusis facturos; neq; vos, si maior vis hostilis Poloniae ingruat deserturos: sed tanquã res ipsorum propria agatur, omni vobis ope præstò ad futuros esse promittit, nosq; ad id solenniter stipulandum nomine M. Cæs. ampliss. in promptu mandatum habemus.

Quorum omnium studia, quantò sunt ad sanctam hanc auxiliorum communionem promptoria, tantò vos quoque vti viciniore &

E veteris

ORATIO.

veteris amicitiae, nouaeque affinitatis ac confæderationis vinculo connexos, demum & fraterna ipsius Christianae fidei tessera conso-
ciatos, ad id, quod M. Cæs. per me Colle-
gamque meum, à vobis iustissimè petit, &
requirit, propensiores, alacriores, & a-
nimosiores esse decet, summeque
id vnicum expedit vo-
bis ipsis.



DANTISCI.

In Officina Iacobi Rhodi,

M. D. XCV.



